



Broj: UP-I-KSI-09-25/22  
Datum: 28.04.2023. godine

Na osnovu člana 25. Zakona o sprečavanju sukoba interesa u institucijama Brčko distrikta Bosne i Hercegovine („Službeni glasnik Brčko distrikta Bosne i Hercegovine“, broj: 04/21), Komisija za odlučivanje o sukobu interesa, postupajući po službenoj dužnosti, u predmetu utvrđivanja povrede odredaba zakona od strane I. K., iz Brčkog, [REDACTED] član Upravnog odbora Zavoda za projektovanje, planiranje i razvoj Brčko distrikta BiH, kao nosioca javne funkcije, na 53. sjednici održanoj dana 28.04.2023. godine, donosi

## RJEŠENJE

1. **UTVRĐUJE SE** da je I. K., iz Brčkog, [REDACTED] član Upravnog odbora Zavoda za projektovanje, planiranje i razvoj Brčko distrikta BiH, postupio protivno članu 19. stav (1) i stav (2) i članu 20. Zakona o sprečavanju sukoba interesa u institucijama Brčko distrikta Bosne i Hercegovine, na način da dana 24.01.2022. godine u podnesenom Izvještaju o imovinskom stanju na obrascu o imovinskom stanju nosioca javne funkcije, bračnog i vanbračnog druga, djece i drugih članova porodičnog domaćinstva kao i lica prema kojima nosilac javne funkcije ima zakonsku obavezu izdržavanja-Aneks II, Komisiji za odlučivanje o sukobu interesa nije prijavio nepokretnu imovinu bračnog/vanbračnog druga.
2. Za učinjeno kršenje odredaba Zakona o sprečavanju sukoba interesa u institucijama Brčko distrikta Bosne i Hercegovine, I. K. se shodno članu 43. Zakona o sprečavanju sukoba interesa u institucijama Brčko distrikta Bosne i Hercegovine izriče opomena.

## Образложење

Komisija za odlučivanje o sukobu interesa je po službenoj dužnosti Zaključkom broj: UP-I-KSI-09-25/22 od 21.12.2022. godine, pokrenula postupak za odlučivanje o povredi odredaba Zakona o sprečavanju sukoba interesa u institucijama Brčko distrikta Bosne i Hercegovine protiv nosioca javne funkcije I. K., člana Upravnog odbora Zavoda za projektovanje, planiranje i razvoj Brčko distrikta BiH, jer je posumnjala u tačnost i potpunost podataka u podnesenom Izvještaju o imovinskom stanju na obrascu o imovinskom stanju nosioca javne funkcije, bračnog i vanbračnog druga, djece i drugih članova porodičnog domaćinstva kao i lica prema kojima nosilac javne funkcije ima zakonsku obavezu izdržavanja Aneks II, zbog neusklađenosti između prijavljene imovine u Izvještaju o imovinskom stanju, podnesenom dana 24.01.2022. godine od strane nosioca javne funkcije Komisiji i podataka prikupljenih od nadležnih organa i institucija o nekretninama nosioca javne funkcije i bračnog/vanbračnog druga, jer nosilac javne funkcije nije prijavio odnosno unio u Izvještaj o imovinskom stanju nepokretnu imovinu bračnog/vanbračnog druga, tačnije nekretninu označenu kao parcela broj: [REDACTED] „III sprat, stan 10“ u površini od 67 m<sup>2</sup> upisana u poduložak broj: [REDACTED] etažni uložak broj: [REDACTED] u Z.K. [REDACTED], vlasništvo M. J. sa dijelom od 1/1, bračni/vanbračni drug

nosioca javne funkcije, čime je postupio protivno članu 19. stavovi (1) i (2) i članu 20. Zakona o sprečavanju sukoba interesa u institucijama Brčko distrikta Bosne i Hercegovine.

Nosilac javne funkcije je istim zaključkom pozvan da Komisiji za odlučivanje o sukobu interesa dostavi izjašnjenje u roku od 15 dana od dana dostavljanja zaključka.

Nakon prijema Zaključka o pokretanju postupka, broj: UP-I-KSI-09-25/22 od 21.12.2022. godine, zaprimljen 28.12.2022. godine, I. K., član Upravnog odbora Zavoda za projektovanje, planiranje i razvoj Brčko distrikta BiH, kao nosilac javne funkcije je dana 10.01.2023. godine dostavio je Komisiji za odlučivanje o sukobu interesa pisano Izjašnjenje u kojem, između ostalog, navodi da u trenutku popunjavanja Izvještaja o imovinskom stanju nije bio upoznat sa činjenicom da je predmetna nekretnina formalno-pravno prešla na M. J., kao i da imenovana nije njegov bračni drug jer ne žive u zajedničkom domaćinstvu mada povremeno borave zajedno. Na kraju ističe, da nije imao namjeru da prikrije podatak o predmetnoj nekretnini, odnosno da se radi o nenamjernom propustu.

S ciljem provjere navoda iz Izjašnjenja, Komisija je zatražila dodatne provjere od Osnovnog suda Brčko distrikta Bosne i Hercegovine- Registar zemljišta iz čijeg je odgovora, odnosno dostavljene dokumentacije utvrđeno da je dana 23.07.2021. godine, M. J. preuzela Rješenje broj [REDACTED] od 09.07.2021. godine kojim je dozvoljena uknjižba prava vlasništva na stanu upisanom u poduložak broj: [REDACTED].

I. K. je Odlukom broj: 01-02-672/19 od 25.09.2019. godine imenovan za člana Upravnog odbora Zavoda za projektovanje, planiranje i razvoj Brčko distrikta BiH, te je shodno članu 2. Zakona o sprečavanju sukoba interesa u institucijama Brčko distrikta Bosne i Hercegovine nosilac javne funkcije.

Članom 19. stav (1) Zakona o sprečavanju sukoba interesa u institucijama Brčko distrikta Bosne i Hercegovine propisano je da je nosilac javne funkcije dužan u roku od 30 (trideset) dana od dana stupanja na javnu funkciju, podnijeti Komisiji Izvještaj, za sebe i bračnog i vanbračnog druga, djecu, druge članove porodičnog domaćinstva kao i lica prema kojima nosilac javne funkcije ima zakonsku obavezu izdržavanja, prema stanju na dan kada je izabran, odnosno imenovan, dok je stavom (2) istog člana, između ostalog propisano i da Izvještaj sadrži lične podatke nosioca javne funkcije i članova njegove uže porodice, uključujući JMB, podatke o funkciji koju nosilac javne funkcije obavlja, dok je tačkom b) istog člana propisano i da sadrži podatke o imovini, uključujući novac, račune u banci, poslovnu dokumentaciju, dionice, vrijednosne papire, obveznice, nepokretnu imovinu, stanarsko pravo i drugu imovinu i dobra u vrijednosti većoj od 5.000,00 KM, u BiH i inostranstvu.

Primjenom navedenih zakonskih odredaba na utvrđeno činjenično stanje, ocjenjeno je da u konkretnom slučaju postoji povreda Zakona o sprečavanju sukoba interesa u institucijama Brčko distrikta Bosne i Hercegovine, s obzirom na to da I. K. nije u Izvještaj o imovinskom stanju podnesenom dana 24.01.2022. godine Komisiji za odlučivanje o sukobu interesa, unio podatak o nepokretnoj imovini bračnog/vanbračnog druga čime je postupio protivno članu 19. stavovi (1) i (2) te članu 20. Zakona o sprečavanju sukoba interesa u institucijama Brčko distrikta Bosne i Hercegovine.

U Izvještaj o imovinskom stanju-Aneks II, I. K. je u rubriku „Podaci obračnom/vanbračnom drugu“ upisao M. J., te je zbog toga obaveza nosioca javne funkcije unijeti podatke o imovini svog bračnog/vanbračnog druga u Izvještaj o imovinskom stanju.

Član 38. Zakona o sprečavanju sukoba interesa u institucijama Brčko distrikta Bosne i Hercegovine propisuje sankcije za nosioca javne funkcije koji postupi suprotno odredbama navedenog Zakona.

Komisija je, shodno članu 43. Zakona o sprečavanju sukoba interesa u institucijama Brčko distrikta Bosne i Hercegovine, prilikom odlučivanja o vrsti sankcije koju treba izreći u konkretnom slučaju cijenila sve otežavajuće i olakšavajuće okolnosti. Vodila je računa o težini i posljedicama povrede Zakona, te činjenici da je I. K., nosilac javne funkcije, predao Izvještaj o imovinskom stanju za 2022. godinu u kojem je upisao podatke o predmetnoj nepokretnoj imovini, o njegovom postupanju i odgovornosti, ličnosti nosioca javne funkcije, odnosu imenovanog prema kršenju odredaba Zakona kao i opredijeljenosti imenovanog da postupi u skladu sa Zakonom, te otkloni razloge koji su doveli do kršenja odredaba Zakona kao i prouzrokovanj posljedic.

Međutim, u odnosu na navode iz Izjašnjenja da nije imao saznanja da je predmetna nekretnina formalno-pravno u vlasništvu M. J., Komisija nije prihvatila ovakav navod iz Izjašnjenja cijeneći pri tome činjenicu da je imenovana od 23.07.2021. godine imala saznanje o uknjižbi predmetnog stana na svoje ime, a sam Izvještaj o imovinskom stanju je podnesen 24.01.2022. godine. Vezano za navod da imenovana nije njegov bračni drug, pravdajući se da ne žive na istoj adresi te da se samo povremeno sastaju, za Komisiju je to u ovom slučaju potpuno irelevantno, jer je shodno zakonskim odredbama nosilac javne funkcije imao obavezu unijeti podatke o nepokretnoj imovini svog bračnog/vanbračnog druga, i da je u Izvještaj o imovinskom stanju, M. J. sam nosilac javne funkcije upisao u rubriku bračni/vanbračni drug, pa samim tim je imao obavezu da prijavi imovinu bračnog/vanbračnog druga.

Cijeneći gore navedeno u konkretnom slučaju radi o očito lakšem obliku kršenja odredaba Zakona, koje nisu nanijele štetu integritetu javne funkcije koju I. K. obavlja, Komisija je stava da izrečena opomena u potpunosti odgovara težini i posljedicama povrede Zakona.

Komisija je, cijeneći sve dokaze pojedinačno i u međusobnoj vezi, shodno članovima 4., 25. i 43. Zakona, donijela rješenje kao u dispozitivu.

Odluka Komisije bit će objavljena na službenoj Internet stranici Komisije.

#### **POUKA O PRAVNOM LIJEKU:**

Shodno članu 37. stav (1) Zakona, ovo rješenje je konačno u upravnom postupku i protiv istog nije dopuštena žalba, ali se može pokrenuti upravni spor u roku od 30 dana od dana dostavljanja rješenja, tužbom pred Osnovnim sudom Brčko distrikta Bosne i Hercegovine.

Predsjednik Komisije za  
odlučivanje o sukobu interesa

Admira Mujić, dipl. pravnik

#### Dostavljeno:

1. I. K., [REDACTED] Brčko,
2. Internet stranici Komisije,
3. Evidenciji i
4. Arhivi.